

URDHËR

Nr.5, datë 9.1.2012

PËR PËRDITËSIMIN E CERTIFIKATAVE VETERINARE TË CILAT SHOQËROJNË NGARKESAT E USHQIMEVE ME ORIGJINË SHTAZORE, SI DHE NGARKESAT E USHQIMEVE PËR KAFSHË PRODHUESE TË USHQIMIT, DHE TË CILAT HYJNË NË TERRITORIN E REPUBLIKËS SË SHQIPËRISË

Në mbështetje të nenit 102 pika 4 të Kushtetutës së Republikës së Shqipërisë, nenit 18 të ligjit nr.9863 datë 28.1.2008 “Për ushqimin”,

URDHËROJ:

1. Certifikatat veterinarë ose dokumentet e tjera veterinarë, të cilat shoqërojnë ngarkesat e ushqimeve me origjinë shtazore, si dhe ngarkesat e ushqimeve për kafshë prodhuese të ushqimit, dhe të cilat hyjnë në territorin e Republikës së Shqipërisë, të vërtetojnë edhe që këto ushqime:

a) nuk janë të prodhuara nga kafshë të trajtuara ose të ushqyera me PMV përpara mbarimit të kohës së pezullimit, me tireostatike dhe beta-agoniste;

b) nuk janë prodhuar nga kafshë të trajtuara me somatotropine;

c) nuk janë të prodhuara nga kafshë të ushqyera, ose tek të cilat është zbuluar prania e ndotësve dhe mbetjeve të PMV-ve, mbi kufijtë maksimalë të përcaktuar sipas akteve nënligjore në zbatim të legjislacionit veterinar dhe të ushqimit.

2. Ngarkohet Drejtoria e Shëndetit të Kafshëve të njoftojë autoritetet kompetente të vendeve importuese mbi kërkesat e këtij urdhri, si dhe Autoritetin Kombëtar të Ushqimit mbi certifikatat e përditësuara.

3. Ngarkohet Autoriteti Kombëtar i Ushqimit për zbatimin e këtij urdhri në pikat e inspektimit kufitar.

4. Ky urdhër hyn në fuqi me botimin në Fletoren Zyrtare.

Ministri I Bujqësisë, ushqimit dhe

mbrojtjes së konsumatorit

Gene Ruli